

## PRIJEDLOG

Na osnovu člana 18. Statuta općine Maglaj ("Službene novine Općine Maglaj", broj 8/07, 3/08 i 6/08), i zaključka Komisije za obrazovanje, nauku, kulturu i sport broj 02-05-1-109-1/17 od 19. 01. 2017. godine, Općinsko vijeće Maglaj, i na sjednici održanoj dana \_\_\_\_\_ 2017. godine,  
d o n o s i

### O D L U K A

**o prenošenju ovlasti Općinskog vijeća na Općinskog načelnika o raspolaganju i upravljanju sportskim terenima do donošenja konačnog rješenja**

#### Član 1.

Ovom Odlukom se prenosi ovlast Općinskog vijeća na Općinskog načelnika o raspolaganju i upravljanju sportskim terenima na području grada Maglaja, do donošenja konačnog rješenja.

#### Član 2.

Ovlast za raspolaganje i upravljanje sportskim terenima na području grada Maglaja se odnosi na sportske terene i to:

1. Gradski stadion koji se nalazi na zemljištu označenom sa k.č.broj 2401 površine 24249 m<sup>2</sup>, i k.č.broj 2401 površine 94 m<sup>2</sup> upisano u pl.broj 287 k.o. Maglaj posjednik Općina Maglaj.
2. Poligon kod Osnovne škole "Maglaj" u Maglaju u ulici Aleja Ijljana pored Dječijeg centra u Maglaju koji se nalazi na zemljištu označenom sa k.č.broj 2344/2 površine 653 m<sup>2</sup> upisano u pl.broj 287, posjednik Općina Maglaj i dio k.č.broj 2345 upisano u pl.broj 1249 k.o. Maglaj, posjednik Medžlis islamske zajednice Maglaj.
3. Sportski poligon kod Prve osnovne škole Maglaj, u ulici Aleja Ijljana na zemljištu označenom sa k.č.broj 928/1 površine 3178 m<sup>2</sup> (dio), upisano u pl.broj 287 k.o. Maglaj, posjednik Općina Maglaj.

#### Član 3.

Prijenosom ovlasti ovlašćuje se Općinski načelnik da može zaključivati Ugovore sa korisnicima sportskih terena, kojima će regulisati bitna pitanja kao što je održavanje, plaćanje komunalnih usluga, električne energije i druga pitanja, koja se odnose na korištenje sportskih terena.

#### Član 4.

Ovlaštenje iz člana 1. i 2. ove Odluke imenovani će početi vršiti stupanjem na snagu ove Odluke.

Broj:  
Datum:

PREDSJEDAVAJUĆ OV,  
Svjetlana Zamboni

## Obrazloženje

Na osnovu ukazane potrebe i zaključka Komisije za obrazovanje, nauku, kulturu i sport broj: 02-05-1-109-1/17 od 19.01.2017. godine, pokrenuta je inicijativa za donošenje Odluke o prijenosu ovlasti za upravljanje sportskim terenima na području grada Maglaja, na Općinskog načelnika Mirsada Mahmutagića.

Prijenosom ovlasti za upravljanje Sportskim terenima, se ovlašćuje Općinski načelnik da o svim bitnim pitanjima koja se odnose na korištenje sportskih terena ista reguliše zaključivanjem ugovora sa potencijalnim korisnicima.

Zbog svega navedenog Služba za urbanizam geodetske i imovinsko pravne poslove dostavlja Prijedlog Odluke i predlaže Općinskom vijeću Maglaj usvajanje iste.

SLUŽBA ZA URBANIZAM GEODETSKE I  
IMOVINSKO PRAVNE POSLOVE

Obrađivač:

Saračević Jasminka dipl.pravnik

